

SCRIPT OF EVENING GOJRI NEWS BULLETIN 24APRIL 2025

1700HRS

اونینگ گو جری نیوز بلیٹن مورخہ 24 اپریل 2025

یوہ آکا شوانی جموں ہے نصرت تے ظفر کوہلی تیں خبر سُنو۔

HEADLINES

- ۱۔ وزیر اعظم نریندر مودی نے کہیو ہے جے بھارت ہر دہشت گرد تے ان غی مدد کرن آلا غی پہچان کے گو تے ان بارے سراغ لاغے ان نانہ سزا دے غو۔
- ۲۔ ادھمپور ضلع مانہ دہشت گرداں غے سنگ جاری تصادم مانہ فوجی جوان شہید ہو گیو ہے لیفٹیننٹ گورنر منوج سنہا نے شہید جوان نانہ خراج عقیدت پیش کیو۔
- ۳۔ ریزیڈنٹ کمیشن نوی دہلی نے جموں کشمیر کا طلباء واسطے بیلپ لائین نمبر قائم کیو ہے۔
- ۴۔ پاکستان سنگ پانی غی تقسیم کاری بارے کیا گیا معاہدہ غی معطلی نانہ جموں مانہ وسیع حمایت حاصل ہوئی ہے۔

PM TERROR ATTACK

وزیر اعظم نریندر مودی نے اج کہیو ہے جے بھارت ہر دہشت گرد تے ان کی کنڈ پیچھے مدد کرن آلا غی پہچان کرے گو ان گو سراغ لاوے گو تے سزا دے گو جناب مودی نے مزید کہیو جے بھارت زمین کا آخری سرے تک ان غو پتو لاوے گو انہاں نے مزید کہیو جے انصاف غی فراہمی نانہ یقینی بنان غی ہر ممکن کوشش کی جے گی تے پوری قوم اس عزم ور چابت قدم بے قومی پنچانتی راج دن غا موقع ور مدھو بنی ضلع مانہ ایک عوامی اجتماع سنگ خطاب کرتا واں وزیر اعظم نریندر مودی نے کہیو جے دہشت گرداں توں ملک غی روح کدے وی نی توتسے اس موقع ور بولتا واں جناب مودی نے کج اس طرح کہیو۔ وزیر اعظم مودی نے اس گل ور وی زور دتو جے انسانیت مانہ یقین رکھن آلو ہر شخص بھارت غے سنگ ہے انہاں نے بھارت غے نال یکجہی غا اظہار کرن آلا عالمی رہنماواں گو شکریو ادا کیو۔

ENCOUNTER

اج ادھمپور ضلع مانہ ایک تلاشی مہم غے دوران حفاظتی دستاں تے مشتبہ دہشت گرداں غے بشکار فائرنگ غو تبادلو ہوو جس کا نتیجہ مانہ ایک فوجی جوان شہید ہوگیو۔ آکاشوانی جموں غا نمائندہ غے مطابق فائرنگ گو واقعہ ڈوڈو بسنت گڑھ غا علاقہ مانہ اُس وقت پیش آیو جد حفاظتی دستاں نے علاقہ مانہ دہشت گرداں غی موجودگی غی اطلاع ور گھیراؤ کیو تے تلاشی کارروائی شروع کی جسراں ہی دستہ مشتبہ جگہ غے قریب پُجیا اُت چھپیہ دہشت گرداں نے فائرنگ شروع کردتی جس گو حفاظتی دستاں نے جواب دتو تے جھڑپ شروع ہوگئی یاہ کارروائی اجیں وی جاری ہے۔ تے لیفٹیننٹ گورنر منوج سنہا نے فوج غا بہادر حوالدار جانتو اعلیٰ شیخ نانہ خراج عقیدت پیش کیو جنہاں نے ادھمپور مانہ ایک انسداد دہشت گردی کارروائی غے دوران وطن واسطے اپنی جان قربان کی۔ اسی دوران بھارتی فوج غی رومیو فورس تے رومیو فورس تے سپیشل آپریشن گروپ نے پونچھ ضلع کا لسانہ کا جنگلاتی علاقہ مانہ مسلسل ۰۱ ویں دن وی مشترکہ کارروائی جاری ہے تانجے اُت چھپیہ واہ دہشت گرداں کا سراغ غو پتو لایو جاسکے۔ اسی طرح کی ایک ہور تلاشی کارروائی جنوبی کشمیر کا کُلام ضلع کا تنگ مرگ علاقہ مانہ جاری ہے۔ جت گزشتہ شام دہشت گرداں تے حفاظتی

دستان غے بشکار فائرنگ غو تبادلو ہوو تھو۔ دبشت گرداں غی موجودگی غی اطلاع ور کل شام نانہہ گھیراو کرغے تلاشی مہم شروع کی گئی۔ فوج سی آر پی ایف تے جموں کشمیر پولیس غی مشترکہ ٹیم نے اج سویرے سورج نکلن تیں پہلاں کاروائی دوبارہ شروع کی۔ رات غی تاریخی غے باعث کل رات کاروائی روک دتی گئی تھی۔

JK AACL

جموں کشمیر اکیڈمی برائے زبان ثقافت تے ہنر اپنا ایک شمارا غے تحت پدم شری پروفیسر للت منگوترہ غے سنگ لکڑی کلب مانہہ ایک میل ملاپ کرن گو پروگرام گو انعقاد کیو گیو اس موقع ور پروفیسر وینا گپتا نے پروفیسر للت مگوترا غی زندگی کا کارناماں ور دوگری ادب غا میدان مانہہ شراکت ور ایک مقالو پڑھیو۔ اس موقعہ ور پروفیسر وینا گپتا نے کج اس طرح کہیو۔

EXTENSION LECTURE

فوڈ سائنس تے ٹیکنالوجی غا اعلیٰ تعلیم یافتہ شعبہ پی ایس پی ایس گورنمنٹ خواتین کالج گاندھی نگر جموں نے اج ایک روزہ توسیعی لیکچر گو انعقاد کیو۔ لیکچر غو موضوع تھو قدرتی چیزاں نانہہ بہترین بنا غے فائدو چان گو موقعو۔ اس گو مقصد نوجوان زبناں نانہہ پہلاں تے سبزیں ور مبنی خوراک کی قیمت غا جدید طریقان غا بارا مانہہ آگاہ کرنو تھو۔ یوہ پروگرام کالج غی پرنسپل پروفیسر گیتانجلی رانا غی رہنمائی مانہہ منعقد ہوا جنہاں نے طلبہ نانہہ نوکری تلاش کرن غے بجائے نوکری دین آلا بنن غی ترغیب دتی۔ اس موقع ور داکٹر گل سید نے بطور مہمان شرکت کی۔

HELPLINE

رہائشی کمیشن جموں کشمیر حکومت نوی دہلی نے ملک پھر مانہہ زیر تعلیم جموں کشمیر غا طلبہ واسطے ۴۲ گھنٹہ ہیلپ لائن نمبر قائم کیا ہیں کسی وی مدد یا تعاون واسطے طلبہ ان نمبراں ور رابطو کرسکیں۔ ہیلو جے کے 7303620090 مینیجر جے کے ہاؤس چانکیہ پوری 9682389265 مینیجر جے کے ہاؤس ۵ پرتھوی راج روڈ 9419158581 تے رہائشی کمیشن نوی دہلی غو نمبر 01124611108، 01124615475، 01124611157، 01126112021 تے 01126112022 یے تمام نمبر ۴۲ گھنٹہ تے پورا ہفتہ فعال ریں غا۔

INDUS WATER TREATY

گزشتہ شام ایک تاریخی فیصلہ مانہہ اعلان کرتا واں بھارتی حکومت نے مسلسل دشمنی تے قومی مفادات نانہہ مز نظر رکھتا واں پانی کی تقسیم کا معاہداں غو از سر نع جائیزہ لین غی ضرورت غا حوالہ دیتا واں پاکستان غے سنگ سنگھ طاس معاہدہ نانہہ معطل کردتو بے اس قدم غو مقامی لوکاں تے سیلانیان نے بڑا پیمانہ ور خیر مقدم کیو بے خاص طور ور دریائے چناب غے سنگ جموں کا علاقان مانہہ چناب غا کوبصورت کناران ور جمع ہون آلا رہائیشیاں تے زائرین نے معطلی نانہہ ایک طویل التوا تے جازفانہ موقف غا طور ور دیکھتا واں اپنی حمایت غو وی اظہار کیو بہت سارا لوکاں نے اس فیصلہ نانہہ اس قدرتی وسائل ور بھارت کا خود مختار حقوق ور زور دین تے پاکستان نانہہ ایک باثو پیغام دین غی جانب ایک ضروری قدم قرار دتو بے۔

INM POONCH

شیر کشمیر زرعی سائنس و ٹیکنالوجی یونیورسٹی جموں گا دائریکٹوریٹ آف ایکسٹینشن نے پونچھ مانہ زرعی سامان فروش واسطے متوازن گزائی انتظام ور ۵۱ دناں گو مختسر مدتی تربیتی کورش شروع کیو۔ اس تربیتی پروگرام غی قیادت زرعی سائنس مرکز پونچھ غا چیف سائنسدان ڈاکٹر اجے گپتا نے کی۔ اُنہاں نے شرکاء غو خیر مقدم کرتا واں کہیو کہ زرعی سامان فروش تے دکاندار کساناں نانہ متوازن کھاد غو استعمال کرن غی ترغیب دین مانہ اہم کردار ادا کریں تے اسی وجہ تیں یے لوک تبدیلی غا اہم نمائندہ سمجھیہ جیں۔ اس سلسلہ مانہ ڈاکٹر اجے گپتا نے اس طرح کہیو۔

GDC KISHTWAR

گورنمنٹ ڈگری کالج کشتواڑ غا سماجی شعوبہ نے ایک بامعنی مہمان لیکچر گو انعقاد کامیابی تیں کیو جس غی سرپرستی کالج گا پرنسپل ڈاکٹر بشارت اقبال نے کی تے شعبہ غی سربراہی پروفیسر سونیکا سین غی رہنمائی وی حاصل ہوئی۔ اس پروگرام غی خاص گل گورو نانک دیو یونیورسٹی گی ریسرچ سکالر رابیہ سہرش غی بصیرت افروز لیکچر تھو جنہاں نے صنفی بنیاد ور تشدد غا اہم موضوع ور روشنی کہلی۔ اس پروگرام مانہ سوشیو لوجی غا طلبہ نے پُر جوش شرکت کی جس مانہ نظر آیو کہ طلبہ موجودہ سماجی مسائل غا بارا مانہ کتنا باخبر تے سنجیدہ ہیں۔
